

VIŠI RAZREDI

AKAID

Bismillahi rrahmani rrahim!

Kako se zove naša vjera?

Naša vjera se zove Islam.

Šta smo mi po vjeri?

Mi smo po vjeri muslimani i muslimanke.

Šta je Islam?

Islam je vjera koju je Bog dž.š. objavio preko Svojih poslanika cijelom čovječanstvu.

Čime počinjemo svaki dobar posao?

Svaki dobar posao počinjemo riječima:

«Bismil-lahir-rahmanir-rahim».

Šta je Džennet?

Džennet je mjesto na Ahiretu gdje će vjernici uživati prema stepenu dobivene nagrade.

Šta je Džehennem?

Džehennem je mjesto na Ahiretu gdje će grijешnici izdržavati kaznu prema težini počinjenih grijeha.

Kako glasi kelime i šehadet? .

Kelime i šehadet glasi: «Ešhedu en la ilahe illallah, ve ešhedu enne Muhammeden 'abduhu ve resuluhu».

Šta to znači?

To znači: «Ja srcem vjerujem a jezikom izgovaram da je samo Allah – Bog i da je Muhammed a. s. Božiji rob i Poslanik».

Šta su meleki?

Meleki su duhovna nevidljiva bića, stvoreni od nura – svjetlosti, i oni čovjeka navode na dobro.

Koji su najpoznatiji meleki?

Najpoznatiji meleki su:

- 1. Džebrail - donosio objave poslanicima a.m.s.,**
- 2. Azrail - vadi duše i usmrćuje ljude i džinne,**
- 3. Mikail - zadužen za pojave na dunjaluku.**
- 4. Israfil - će puhnuti u sur - rog i najaviti propast ovoga svijeta,**
- 5. Kiramen katibini - pišu ljudska djela,**
- 6. Munkir i Nekir - ispituju čovjeka u kaburu,**
- 7. Malik - čuvar Džehennema i**
- 8. Ridvan - čuvar Dženneta.**

Šta su šejtani?

Šejtani su duhovna nevidljiva bića, stvoreni od plamena vatre i oni čovjeka navode na zlo.

Šta su džinni?

Džini su također duhovna nevidljiva bića, stvoreni od žari vatre i ima ih vjernika i nevjernika.

Kako glase islamski šarti?

Islamski šarti su:

- 1. Izgovoriti Kelime i šehadet,**
- 2. Klanjati propisane namaze,**
- 3. Postiti mjesec ramazan,**
- 4. Davati zekjat i**
- 5. Obaviti hadž.**

Kako glase imanski šarti?

Imanski šarti su:

- 1. Amentu billahi - ja vjerujem u Boga,**
- 2. Ve melaiketih - ja vjerujem u Božije meleke,**
- 3. Ve kutubih - ja vjerujem u Božije kitabe - knjige,**
- 4. Ve rusulih - ja vjerujem u Božije poslanike,**
- 5. Vel-jevnil-ahiri - ja vjerujem u Sudnji dan,**
- 6. Ve bil-kaderi hajrihi ve šerrihi minellahi teala - ja vjerujem da sve što se zbiva i događa, biva s Božijim određenjem. Što Bog hoće to može bit, a što Bog neće, to ne može bit.**

Kako glase abdeski šarti?

Abdestskih šarta ima četiri, a to su:

- 1. Umiti lice od uha do uha od kose do pod bradu,**
- 2. Oprati ruke do iza laktova,**
- 3. Potrati mokrom rukom četvrtinu glave i**
- 4. Oprati noge do iznad članaka.**

Kako glase gusulski šarti?

Gusulskih šarta ima tri, a to su:

- 1. Gargare – usta i grlo isprati.**
- 2. Istiņšak – nos isprati.**
- 3. Cijelo tijelo potpuno oprati da nigdje suho ne ostane.**

Kako glase tejemumski šarti?

Tejemumskih šarta ima tri, a to su:

- 1. Nijjet učiniti radi čega uzimamo tejemum.**
- 2. Dotaknuti se dlanovima suhe čiste zemlje i potrati lice.**
- 3. Dotaknuti se dlanovima čiste suhe zemlje i potrati desnu pa lijevu ruku do iza lakata.**

Kako glase hadžski šarti?

Hadžskih šarta ima tri, a to su:

- 1. Obući ihrame s nijjetom za hadždž ili umru.**
- 2. Stajanje na Arefatu 9. dana zul-hidžeta.**
- 3. Obaviti tavaf oko Kabe sedam puta.**

Kako glase namaski šarti?

Namaskih šarta ima dvanaest, a to su:

- 1. Da bude čisto tijelo, odijelo i mjesto gdje ćemo klanjati,**
- 2. Uzeti abdest, po potrebi se okupati ili u nuždi tejemum uzeti,**
- 3. Propisno se obući,**
- 4. Na vrijeme klanjati,**
- 5. Prema Kibli se okrenuti,**
- 6. Nijjet učiniti,**
- 7. Iftitahi tekbir - početni tekbir,**
- 8. Kijam - stajanje,**
- 9. Kiraet - učenje Kur'ana,**
- 10. Ruku' - pregibanje pod pravim uglom,**
- 11. Sedžde - spuštanje tijela na tlo,**
- 12. Ka'detul-ehire - posljednje sjedenje u namazu.**

Kako glase Božija svojstva?

Božija svojstva ima četrnaest, a to su:

- 1. Vudžud - Bog ima i postoji,**
- 2. Vahdanijjet - Bog je jedan i jedini,**
- 3. Kidem - Bog je oduvijek jer nije postao,**
- 4. Beka - Bog je zauvijek jer Ga neće nestati,**
- 5. Muhalefetun lil-havadisi - Bog nije ničemu sličan,**
- 6. Kijamun binefsihi - Bog Sam po Sebi opstoji,**
- 7. Hajat - Bog živi svojim vječnim životom,**
- 8. 'İlm - Bog sve zna,**
- 9. Sem' - Bog sve čuje,**
- 10. Besar - Bog sve vidi,**
- 11. Iradet - Bog sve svojom voljom čini,**
- 12. Kudret - Bog je svemoćan,**

- 13. Kelam - Bog govori Svojim božanskim govorom,**
14. Tekvin - Bog sve stvara, uzdržava i rastvara.

Koliko je bilo Božijih kitaba?

Božjih kitaba je bilo 104. Četiri velika kitaba i 100 malih - suhufa. U njima su upute, savjeti, mudrosti i propisi o životu ljudi.

Koja su četiri velika kitaba?

Četiri velika kitaba su:

- 1. Tevrat - objavljen Musau a.s.**
- 2. Zebur - objavljen Davudu a.s.**
- 3. Indžil - objavljen Isau a.s.**
- 4. Kur'an - objavljen Muhammedu a.s.**

Šta je Kur'an?

Kur'an je posljednja Božja objava, poslana Muhammedu a.s. Objavljen je na arapskome jeziku. Ima 114 sura - poglavlja i 6217 ajeta. Objava Kur'ana je trajala 23 godine - 13 u Mekki i 10 u Medini.

Koja imena ima Uzvišeni Kur'an?

Kur'an ima i ova imena:

- 1. Kur'anul-Kerim - plemeniti Kur'an,**
- 2. Kur'anul-Hakim - mudri Kur'an,**
- 3. Kur'anul- Azim - veličastveni Kur'an,**
- 4. Kur'anul-Medžid - slavljani Kur'an,**

Šta su Božiji poslanici?

Božiji poslanici su Bogom odabrani ljudi kojima je Bog slao svoje objave da ih dostave i objasne ljudima.

Koji su najpoznatiji Božiji poslanici?

Najpoznatiji Božiji poslanici su: Adem, Nuh, Ibrahim, Musa, Isa, i Muhammed a.s..

Koja su svojstva imali Božiji poslanici?

Božji poslanici su imali sljedeća svojstva:

- 1. Sidk - uvijek su istinu govorili,**
- 2. Emanet - bili su povjerljivi i pouzdani,**
- 3. Teblig - vjerno su dostavili Božju objavu,**
- 4. Ismet - bili su sačuvani od grijeha,**
- 5. Fetanet - bili su pametni i oštroumni,**
- 6. Rudžulet - bili su muškarci,**
- 7. Adalet - bili su pravedni.**

Šta su teški grijesi?

Teški grijesi - su oni grijesi zbog kojih čovjek prestaje biti musliman kao npr. širk, psovati Allaha itd.

Šta su veliki grijesi?

Veliki grijesi - su oni grijesi zbog kojih čovjek ne prestaje biti musliman, ali je za njih predviđena žestoka kazna, npr. piti alkohol, jesti svinjsko meso, uzimati kamatu itd.

Šta su mali grijesi?

Mali grijesi - su grijesi za koje je predviđena blaga kazna, npr. ne klanjati u džematu, pričati kada se uči Kur'an itd.

Šta je tevba - istigfar?

Tevba ili istigfar - je pokajanje za počinjene grijeha. Tevba se čini riječima: "Estagfirullahe ve etubu ilejhi." "Molim Allaha da mi oprost i kajem se".

Ibadat

Šta je šerijat?

Šerijat je skup islamskih propisa po kojima se vladaju muslimani i muslimanke.

Koji su izvori šerijata?

Izvori šerijata su: Kur'an, hadis, idžma i kijas.

Šta je Kur'an?

Kur'an je Božiji govor.

Šta je hadis?

Hadis je govor Muhammeda a.s.

Šta je idžma?

Idžma je stav uleme po nekom pitanju.

Šta je kijas?

Kijas je analogno rješenje nekog propisa.

Šta spada u šerijat?

U šerijat spadaju: farz, vadžib, sunnet, mustehab, mubah, haram, mekruh, i mufsid.

Šta je fard?

Fard je ono što je Bog dž.š. strogo naredio da se radi.

Šta je fardi ajn?

Fardi ajn je dužnost svakog pojedinca, kao što su propisani namazi.

Šta je fardi kifaje?

Fardi kifaje je dužnost zajednice, kao što je dženaza namaz.

Šta je vadžib?

Vadžib je ono što je Bog dž.š. naredio ali nije strogo kao farz kao što je vitr namaz, bajrami i td..

Šta je sunnet?

Sunnet je ono što je Muhammed a.s. rekao, radio ili šutnjom odobrio.

Šta je sunneti muekkede?

Sunneti muekkede je sunnet kojeg je Muhammed a.s. redovno izvršavao kao npr. sabahski, podnevski i akšamski sunneti.

Šta je sunneti gajri muekkede?

Sunneti gajri muekkede je sunnet kojeg je Muhammed a.s. ponekad izostavljao, kao npr. ikindijski i jacijski sunnet.

Šta je mustehab?

Mustehab je ono što je lijepo raditi kao npr. obrisati abdest čistim peškirom.

Šta je mubah?

Mubah je ono što nije ni naredeno ni zabranjeno kao npr. u slobodnom vremenu šetati.

Šta je haram?

Haram je ono što je Bog dž.š. strogo zabranio da se radi kao npr. piti alkohol.

Šta je to mekruh?

Mekruh je ono što je Bog dž.š. pokudio da se radi kao npr. pušiti.

Šta je mufsid?

Mufsid je ono što kvari vjerske obrede kao npr. kad klanjamo progovoriti.

Šta je abdest?

Abdest je vjersko pranje vodom radi klanjanja namaza ili učenja Kur'ana.

Kako se uzima abdest?

Abdest se uzima ovako: oprati ruke do iza šaka, izaprati usta i grlo, izaprati nos, umiti se od uha do uha od kose do pod bradu, oprati ruke do iza laktova, potrati četvrtinu glave, potrati uši i vrat, i oprati noge do iznad članaka.

Šta je ezan?

Ezan je poziv na namaz.

Kod kojeg namaza se uče dva ezana?

Dva ezana se uče kod džume namaza.

Kod kojeg namaza se ne uči ni jedan ezan?

Ezan se ne uči kod dženezama namaza, a nju oglašavamo sallom.

Šta je ikamet?

Ikamet je poziv na farz.

Kada se uči ikamet?

Ikamet se uči kada muškarci hoće da klanjaju farz namaz.

Kod kojih namazi se ne uči ikamet?

Ikamet se ne uči kod vadžib i sunnet namaza.

Koliko rekata imaju propisani namazi?

Sabah ima četiri rekata: dva sunneta i dva farza.

Podne ima deset rekata: četiri sunneta, četiri farza, i dva sunneta.

Ikindiya ima osam rekata: četiri sunneta i četiri farza.

Akšam ima pet rekata: tri farza i dva sunneta.

Jacija ima trinaest rekata: četiri sunneta, četiri farza, dva sunneta i tri vitra.

Džuma namaz ima šesnaest rekata: četiri sunneta, dva farza, četiri sunneta, četiri ahiri zuhra i dva sunnetil-vakti.

Dženezama nema ni jednog rekata. Ima stajanje i četiri tekbira.

Bajrami imaju po dva rekata.

Teravija ima dvadeset rekata.

Gdje i kada je naređen namaz?

Namaz je naređen u Mekki na miradžu.

Šta je džunubluk?

Džunubluk je stanje kada su muškarac ili žena nečisti.

Šta je hajz?

Hajz je pojava krvi iz maternice kod žene koja nije trudna.

Šta je nifas?

Nifas je pojava krvi iz maternice kod porođene žene.

Šta je ženi zabranjeno kada je u hajzu ili nifasu?

Kada je žena u hajzu ili nifasu zabranjeno joj je:

ulaziti u džamiju, klanjati namaz, postiti, tavaf činiti, Kur'an uzimati, Kur'an učiti i ne smije spolno općiti.

Da li žene kada su nečiste trebaju naklanjati propuštene namaze i napostiti propušteni post?

Žene ne trebaju naklanjati propuštene namaze kada su bile nečiste, a post su dužne napostiti.

Šta je gusul?

Gusul je vjersko kupanje naređeno kad smo nečisti a preporučeno jednom sedmično.

Šta je tejemum?

Tejemum je simbolično čišćenje čistom i suhom zemljom kada hoćemo klanjati ili Kur'an učiti a nemamo vode.

Od kada smo dužni klanjati propisane namaze?

Propisane namaze smo dužni klanjati od punoljetstva.

Koji su namaski vadžibi?

Namaski vadžibi su:

- proučiti Fatihu na svakom rekatu,
- iza Fatihe proučiti suru ili tri kratka ajeta,
- na sedždi spustiti nos i celo,
- sjesti na prvo sjedenje,
- na sjedenju proučiti Ettehijjatu,
- nakon Ettehijjatu odmah ustati na treći rekat,
- nakon sedžde odmah ići na slijedeći rekat,
- u dnevnim namazima da imam uči u sebi,
- u noćnim namazima da imam uči na glas,
- za imamom ništa ne učiti na stajanju, osim subhaneke, na prvom rekatu,
- na kraju namaza selam predati,
- u vitr namaza proučiti Kunut dovu,
- Kod bajram namaza proučiti šest tekbira,
- učiniti sehvi sedždu kad zatreba,
- namaz klanjati smireno i bez žurbe.

Kako se čini sehvi sedžda?

Sehvi sedžda se čini tako da se na zadnjem sjedenju nakon učenja Ettehijjatu i predavanja selama samo na desnu stranu, učine još dvije sedžde i ponovo prouči Ettehijjatu i predati selam.

Šta će nam pokvariti namaz?

Namaz će nam pokvariti ako:

1. U namazu progovoriti.
2. U namazu nazvati i primiti selam.
3. U namazu uzdahnuti ili zaplakati.
4. Ako bi neko klanjao sa tejemumom pa voda došla.
5. Ako klanjaju muško i žensko jedno do drugog u istom saffu.
6. Ako se radi neka radnja koja ne priliči namazu.

Koje kategorije obaveza namazi mogu biti?

Namazi mogu biti:

Farz - kao npr. pet dnevnih namaza i džuma.

Vadžib - kao npr. vitr namaz i Bajram namazi.

Sunnet - ili nafile kao npr. teravija namaz, istihara namaz, tehijetul-mesdžid, noćni namz itd.

Kako ćemo klanjati kad zakasnimo na prvi rekat?

Kad zakasnimo na prvi rekat klanjat ćemo za imamom ono na što smo stigli, a prvi rekat ćemo sami naklanjati kad imam preda selam na desnu stranu.

Kako ćemo klanjati kad prispijemo na treći rekjat akšamskog farza?

Kad prispijemo na treći rekjat akšamskog farza, klanjaćemo za imamom treći rekjat i sjesti sa imamom na zadnje sjedenje. Kad imam preda selam mi nećemo, nego ćemo ustati i naklanjati prvi rekjat. Sjest ćemo i proučiti Ettehijjatu do salavata a zatim ponovo ustati i naklanjati drugi rekjat. Ponovo ćemo sjesti i proučiti Ettehijjatu do selama i selam predati.

Kako ćemo naklanjati propuštene namaze?

Propuštene namaze ćemo naklanjati po redu kako su nam prošli. Ako smo propustili više od šest namaza onda nemoramo naklanjati po redu.

Kako će klanjati bolesnik koji ne može klanjati stojeći?

Bolesnik koji ne može klanjati stojeći, klanjati će kako mu je najlakše tj. sjedeći ili ležeći.

Kako će musafir klanjati četverorekatne farzove?

Musafir će četverorekatne farzove klanjati skraćeno - po dva.

Kako ćemo klanjati u prevoznim sredstvima?

U prevoznim sredstvima ćemo klanjati sjedeći okrenuti, ako je moguće prema kibli, ili u pravcu vožnje.

Šta je post?

Post je sustezanje od jela, pića i drugih tjelesnih uživanja, od zore do zalaska Sunca.

Koja dužnost post može biti?

Post može biti: Farz, kao što je post u Ramazanu, Vadžib, kao što je zavjetni post, Sunnet - nafila, kao što je post ponedjeljkom i četvrtkom, post ašure u Muharremu, post na dan Arefata i td..

Šta je sehur, imsak i iftar?

Sehur je vrijeme ručka prije posta, imsak je čas kada se zaposti, a iftar je vrijeme kada se prekida sa postom.

Šta je kefaret kod posta?

Kefaret kod posta je kazna kada se namjerno omrsimo prije iftara. Ta kazna iznosi 60 dana i plus dani koje nismo postili.

Šta je kada kod posta?

Kada kod posta je napostiti ne namjerno prekinuti post, i to dan za dan.

Šta će pokvariti post?

Post će pokvariti ako se namjerno omrsimo.

Šta je zekjat?

Zekjat je obavezno dijeljenje imetka imućnih muslimana koji imaju nisab, siromašnim muslimanima i muslimankama.

Koliki je nisab kod zlata i srebra?

Nisab kod zlata je, 91,60 grama, a kod srebra, 641,50 grama. Zekjat se daje još i na: vrijednosne papire, poljoprivredne proizvode, stoku i trgovačku robu itd.

Šta je sadakatul-fitr?

Sadakatul-fitr je obavezno dijeljenje imetka u Ramazanu, siromašnim muslimanima i muslimankama.

Šta je hadždž?

Hadž je posjeta Kabi u Meki, propisan imućnim muslimanima jednom u životu.

Šta je kurban?

Kurban je klanje govečeta ili bravčeta za vrijeme Kurban bajrama.

Ahlak

Šta smo dužni prema Allahu dž.š.?

Prema Allahu dž.š. smo dužni:

- 1. Voljeti Ga, poštovati i veličati.**
- 2. Izvršavati sve što je On naredio,**
- 3. Kloniti se svega što je On zabranio,**
- 4. Kajati se za počinjene grijehе.**

Šta smo dužni prema sebi?

Prema sebi smo dužni:

- 1. Čuvati zdravlje i život,**
- 2. Liječiti se u slučaju bolesti,**

3. Raditi i privređivati,
4. Hraniti se i odijevati,
5. Izučavati korisne nauke.

Šta smo dužni prema komšijama?

Prema komšijama smo dužni:

1. da ih u susretu pozdravimo,
2. da ih ne vrijeđamo,
3. da čuvamo njihovu čast, porodicu i imovinu,
4. da ih pomažemo,
5. i da učestvujemo u njihovoj dženazi.

Šta smo dužni prema roditeljima?

Prema roditeljima smo dužni:

1. da ih volimo, poštujemo i pomažemo,
2. da im budemo blagi i poslušni,
3. da ih izdržavamo ako su siromašni,
4. da ih liječimo i njegujemo ako su bolesni,
5. da umrlim roditeljima klanjamo džennazu i spominjemo ih dovom,
6. da nastavimo prijateljstvo sa njihovim prijateljima.

Šta smo dužni prema djeci?

Prema djeci smo dužni:

1. da se brinemo za njihovo zdravlje i život,
2. da ih podučimo vjerskim propisima,
3. da ih odgojimo u duhu Islama,
4. da ih školujemo ili dadnemo na zanat.

Šta smo dužni prema rodbini?

Prema rodbini smo dužni: da ih pazimo, pomažemo i održavamo vezu sa njima.

Šta su dužni muža i žene?

Dužnosti muža i žene su:

1. da se međusobno paze, vole i poštuju,
2. da čuvaju bračnu vjernost,
3. da se međusobno pomažu i nasljeđuju,
4. muž je dužan pristojno izdržavati svoju ženu,
5. žena je dužna slušati muža u svemu što nije grijeh.

Historija islama

Kada i gdje je rođen Muhammed a.s.?

Muhammed a.s. je rođen 12. rebiu-l-evvela 571. godine u Mekki.

Kako mu je bilo ime roditeljima?

Ocu mu je bilo ime Abdullah a majci Amina.

Kad mu je umro otac a kad majka?

Otac mu je umro dva mjeseca prije njegovog rođenja, a majka kad mu je bilo šest godina.

Kod koga je živio poslije majčine smrti?

Poslije majčine smrti živio je kod dede Abdu-l-Mutalliba i amidže Ebu Taliba.

Kada se oženio Muhammed a.s. i s' kim?

Muhammed a.s. se oženio sa hazreti Hatidžom, kad je imao 25 godina.

Gdje je primio prvu objavu?

Prvu objavu islama primio je u pećini na brdu Hira.

Kuda je Muhammed a.s. odselio iz Mekke i kako se to zove?

Muhammed a. s. je iz Mekke odselio u Medinu i to se zove Hidžra..

U kojem gradu je umro Muhammed a.s..

Muhammed a.s. je umro u Medini.

Kako se zove njegovo turbe?

Turbe u kojem je zakopan Muhammed, a.s., se zove Revda i Mutahhera.

Koje su najpoznatije bitke u Historiji islama?

Najpoznatije bitke u Historiji islama su: Bitka na Bedru, na Uhudu, na Hendeku, bitka za Oslobođenje Mekke, bitka na Hunejnu i na Tebuku.

Kad je bila bitka na Bedru?

Bitka na Bedru je bila 624.g. tj. 2. godine po hidžri. U toj bitci muslimani su pobijedili. Poginulo je 14 muslimana, a mušrika 70, i 70 ih je zarobljeno.

Kad je bila bitka na Uhudu?

Bitka na Uhudu je bila 625. g. tj. 3. godine po hidžri. Mušrici su krenuli sa 3.000 boraca, da se osvete za bitku na Bedru, i u podnožju brda Uhud porazili su muslimane i ubili 70 muslimana, a među njima i Hamzu r.a.

Kako se zvao čovjek koji je na Uhudu ubio Hamzu r. a.?

Čovjek koji je na Uhudu ubio Hamzu r.a. zvao se Vahši.

Kad je bila bitka na Hendeku?

Bitka na Hendeku je bila 5. g. po hidžri. 10.000 mušrika je krenulo da napadnu Muhammeda a. s. i muslimane u Medini. Muhammed, a. s., i 3.000 boraca su na prijedlog Selmana Farisije iskopali rovove oko Medine i uspješno se odbranili.

Kad je bila bitka za Oslobođenje Mekke?

Bitka za Oslobođenje Mekke se dogodila dvadesetog dana ramazana 630. god. tj. 8. god. po hidžri. 10.000 muslimanskih boraca je ušlo u Mekku i zauzeli je bez borbe.

Kad je bila bitka na Hunejnu?

Bitka na Hunejnu se također dogodila 630. god. tj. 8. god. po hidžri nakon Oslobođenja Mekke. Muslimani su ovu bitku dobili zarobivši 6.000 zarobljenika, 24.000 deva, 40.000 ovaca, i 4.000 oka srebra.

Kad je bila bitka na Tebuku?

Bitka protiv Vizantije na Tebuku je bila 9. god. po hidžri. Kada su vizantinci čuli za dolazak silne muslimanske vojske, napustili su položaje i pobjegli.

Kad je bio Oprosn Hadž?

Oprosn Hadž je bio 632. god. tj. 10. godine po Hidžri.

Kada je Muhammed s.a.v.s preselio na Ahiret?

Muhammed a.s. je preselio na Ahiret 12. rebiul-evvela 11. god. po Hidžri, tj. 08. juna, 632.god.

Ko su bili halife poslije Muhammeda a.s.?

Halife poslije Muhammeda a.s. su bili:

- 1. Ebu Bekr es-Siddik, koji je vladao dvije godine, od (632 - 634)**
- 2. Omr ibn Hattab el-Faruk, koji je vladao deset godina, od (634 - 644)**
- 3. Osman ibn Affan, koji je vladao dvanaest godina, od (644 - 656)**
- 4. Alija ibn Ebi Talib, koji je vladao pet godina, od (656 - 661)**

Ko su bili prvi muslimani?

Prvi muslimani su bili Hatidža, r.a. , Alija, r.a., Ebu Bekr, r.a., i Zejd ibn Haris radijallahu anhum.

Koje donio Islam u naše krajeve?

Islam u naše krajeve su donijeli Turci Osmanlije.